



Uunga  
Inatsisartunut ilaasortaq  
Aleqa Hammond  
-/maani

**Inatsisartut suleriaasianni § 36, imm. 1 naapertorlugu Inatsisartunut ilaasortap Aleqa Hammondip, Siumut, apeqquteqaataanut allakkatigut akissuteqaat**

**Juumooqarnerup tungaatigut pingaarnersiuneq pillugu kiisalu naartusut tamarmik illoqarfimminni ernisinnaaneranik qulakkeeriniarluni Naalakkersuisut pingaarnersiunerat pillugu Naalakkersuisunut apeqqut.**

Inatsisartunut ilaasortaq apeqquteqaataanut aamma naartusunut ernisussanullu atugarititaasut pillugit soqutiginneranut qujaffigaara.

Apeqqut imatut aallartippoq: *"Juumuut atorfissaqartinneqaqisut piginninnerisa kingunerisaanik ernisussat illoqarfimmut allamut angallanneqartarput nunattalu aningaasaqarneranit akilersoneqartartut akisullunilu, taamaattoq Peqqissutsimut Naalakkersuisoq oqarpoq, juumuut amerlanerusut atorfinitsitineqarsinnaaneri akissaqartinneqanngitsut."*

Tassunga uiggiullugit apeqqutit marluk apeqqutigineqarput:

1. **Pineqartumi suut pingaartinneqarneruppat?**
2. **Naartusut tamarmik illoqarfimmi najugarisaminni ernisinnaanerat qulakkeerinarlugu qanoq iliuseqartoqarpa?**

1-imut.

Erninermut tunngasut Naalakkersuisut pingaartilluinnarpaat aammalu ilaatigut ernisussanik isumaginninnermi najoqqutassat 2002-mi atuutilersut sulinermi atortussanik pitsaasunik imaqartut pigineqarput, taakkunuunatigullu erninermut tunngasutigut ataatsimut siunnerfeqartumik najoqqutassaqqarpoq. Najoqqutassat taakkua siunertaasa ilaatigut ilagaat: "naartunerup meeqqamik peqqissumik, uummarissumik kusanartumillu aqqutissamigut anillalluni erniarineqartumik inerineqarnissaa" kiisalu "ilaqutariingortut aallartilluarnissaat".

Siullermik uannut pingaaruteqarpoq naqissusissallugu Nunatsinni juumuunik amigaa-teqartorujussuunnginnatta. Atorfiit amerlassusilikkat tamarmik inuttaqarput.

Erninermut tunngasut eqqartorneqassappata, naartusup erninermi siorna kingornalu isumassorneqarnerata erninernullu atatillugu sulisut piginnaasatigut piukkunnassuseqarnissaasa tassani pineqarnerat oqaatigissallugit pingaaruteqarpoq.

Ernisussanik isumaginninnermi najoqqutassani naartusup naartunermi nalaani minnerpaamik qasseriarluni juumuumit nakorsamillu misissorneqarnissaa aalajangersarneqar-

22. Februar 2010  
Suliap normua 2010-025726  
Dok. Nr. 307565

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@gh.gl  
www.nanoq.gl

simavoq, kiisalu pissusissamisuumngitsumik pisoqqassagaluarpat qanoq iliortoqarnis-  
saanut najoqqutassa qarpoq aamma. Najoqqutassat taakkua naartusup naartunermi na-  
laani immikkut ilinniagalinnit qanimut nakkutigineqarnissaanik qulakkeerisuupput.  
Naartusunut najukkaminni juumuunit misissorneqarsinnaanngitsunut tunngatillugu  
Peqqinnissaqarfiup najoqqutassat malinneqarnissaat isumagisaraa.

Arnat ernisussat naartuisalu inuunerisa mianerilluinnarneqarnissaat Naalackersuisut  
pingaarutittorujussuuat. Tamatuma saniatigut Peqqinnissaqarfiup ernisussanik sullissi-  
nerata pitsaassusaa pingartinneqartorujussuuvog. Tamanna tunngavigalugu naam-  
manngilaq sumi qanorlu amerlatigisunik Peqqinnissaqarfimmi juumuunik atorfeqartoqar-  
nera kisiat isigissallugu. Ernissuionnissamut piareersimaneq tamakkiisog isigissallugu  
aamma pingaarutilerujussuuvog.

Ernisussanik isumaginninnermi najoqqutassani erseqqissumik allaqqavog erniffissami  
suut piumasaqaataanersut:

- Erniffissami ernissuorsinnaasumik ilinniarsimasumik peqassaaq.
- Ernissutog naartorluunniit tassangaannartumik ajornartorsiuilissagaluarpata, tu-  
aviortumik ikiorneqarnissaannut periarfissaqassaaq, tuaviortumillu pilatsilluni  
meerartaarnissamut periarfissaqassalluni.

Erniffissanut piumasaqaatit taakkua suliamik ilisimasaqarnermik tunngaveqarpoq, aala-  
jangersarneqarsimallutillu anaanaasog meerarlu suli inunngunngitsog eqqarsaatigalugit,  
aningaasat eqqarsaatiginagit

Piumasaqaatit taakku piviusunngortinniarlugit Peqqinnissaqarfik juumuup pigaartuusup  
saniatigut ernisarfiit tamaasa peqqissaasumik/peqqinnissamut assistentimik, sinitsitsis-  
artumik nakorsamillu pilataanermik misilittagalimmik, ajornartorsiuutit naatsorsuuti-  
neqanngitsut imaluunniit tassangaannartumik takkuttut suliarinissaannut inuttaqarti-  
sisussaavog. Peqqinnissamik suliaqartunut tamanut taaneqartunut atatillugu suliamut  
pikkorissuseqarneq sungiussisimanermut attuumassuteqarluinnarpoq.

Suliamik sungiussisimaneq taanna attatiinnarniarlugit erninermut aalajangersimasumik  
amerlassusilinnut peqataasimanissaq piumasaqaataavog. Eminissamut piareersimaneq  
taama ittoq, nunatsinni inunngortartut amerlassusaannut sanilliullugu, sulisutigut aaqii-  
vigissallugu oqimaattorujussuuvog.

Tassunga ilutigitillugu illoqarfinnut minnerusunut arlalinnut pilattaallutik ernisitsinnaas-  
unik sinitsitsisartunillu nakorsassarsiorneq ajornakusoorpat, Peqqinnissaqarfiup erniffiu-  
sinnaasut tassangaannartumik ernisitsinissamut pisariaqartinneqartut qulakkeersinnaa-  
simanngilai. Tamanna tunngavigalugu arnat naartusut illoqarfimmi pinartoqartillugu ikio-  
neqarfigisinnaasaminni erninissaminnik innersuunneqartarput.

Naalackersuisut kissaatigaat Peqqinnissaqarfiup sullissinerata suliatigut pitsaassuseq  
isumannaatsuunissarlu ilisarnaatigissagai, tassani pineqarlutik arnat, meeqqat naartugi-  
neqartut sulisullu taakkuninga sullissisussat.

2-mut.

Peqqinnissaqarfiup siunnerfia ilaatigut ima allaatigineqarsimavoq *"peqqissutsimut sulini-  
utit sapinngisaq tamakkerlugu sullissat najugaannut qanittumi neqeroortigineqassapput*

*sullissinermi pitsaassuseq, sulisutigut periarfissat kiisalu attaveqatigiinnikkut piffimmilu periarfissat tassani eqqarsaatigineqassapput".*

Arnaq, meeraq suli inunngunngitsoq, Peqqinnissaqarfiup sullissinerani pitsaassuseq, Peqqinnissarfimmilu sulisutigut atugassarititaasunullu tunngatillugu naartusut tamarmik illoqarfimmi najukkaminni ernisinnaanissaat qulakkeerneqarsinnaanngilaq. Peqqinnissaqarfimmi ilisimaarineqarlunnarpoq naartusup ernissatilluni angerlarsimaffimminik ilaqtaminillu qimatsigallartarnera kinguneqartartoq. Taamaattumik pissutsit iluannngitsut tamakku aaqqiiviginissaannut periarfissat ingerlaavartumik misissorneqartuarput.

Iliuserineqartut taaneqarsinnaasut ukuupput:

- Peqqinnissamut assistentit ernissuionermermi ikiortitut atuussinnaalersinniarlugit immikkut ittumik ilisimasaqalersinniarlugit ilinniarnermik pilersitsineq.
- Peqqissaasut ilinniarnertik nangillugu qaavatigut juumuutut ilinniarsinnaalernissaannut periarfissanik misissuinerup aallartinneqarnera. Ilinniarneq nangillugu qaavatigut ilinniaqqinnerup siunertaraa Peqqinnissaqarfimmi sulisut ilaasa marloqiusamik sulinnaanermut piginnaatinneqalernissaat, taamaasilluni illoqarfinni minnerusuni peqqissaasumik juumuumillu tamakkiisumik sulisoqartitsinissamut naammattunik suliassaqartitsiffiunngitsuni marloqiusamik sulisinnaanermut piginnaatitsissumik allagartalmik atorfeqartitsinnaalerniarluni. Taamatut periuseqarneq ilaatigut Norge-mi atorneqarpoq.

Inussiarnersumik inuulluaqqusillunga

Agathe Fontain